

# «Incendi» è battegià

La band «Overdose» ha battegià ses terz disc cumpact

■ (cd) **Suenter «Rebel» ed «Impisamaints» ha Overdose battegià sonda ses terz disc cumpact cun il num «Incendi».** Suenter otg onns lavur comunabla è quai in ulteriur toc cultura da musica rumantscha. Blers giuvenils èn suandads l'invit d'Overdose da sa radunar en il Sounds a Scuol per battegiar ensemen il dc «Incendi». «Arsaja», ina grupp che fa musica da skapunk, ha stgaldà il publicum per Overdose da Zernez. Arsaja sa cumpona da sis giuvens engiadinai che fan gia dapi 2002 ensemen musica. Suenter èn *Flurin Bezzola, Andri Juon* ed *Andri Netzer* ids sin tribuna. *Marcus Petendi* ha sustegnì ils trais protagonistas d'Overdose tar quel concert.

Els hajan vult porscher insatge spezial al publicum.

Per Overdose è il battaisem dal terz disc cumpact ina gronda satisfaziun. Els èn cuntents ch'els han quel lung temp da lavur davos els. Avant il terz dc èn els stads separads per in temp. «Incendi» è dentant in mussament ch'Overdose poseda era suenter otg onns far musica ensemen anc in grond fiu per la musica.

En il futur vulan els esser pli preschents surregional. Lur emprim concert ordvart l'Engiadina è stà a chaschun da la Hall of Sounds a Sagogn l'onn passà. Per surpraisas èn els dentant adina prontos. Lur disc cumpact «Incendi» po vegnir retratg sur la pagina d'internet



[www.overdose-music.ch](http://www.overdose-music.ch) fin la fin december per 21 francs svizzers. Davent dal 2008 custa il dc 26 francs.

**Overdose en concert:**  
(da san.) **Marcus Petendi**  
(sustegn spezial, ghitarra), **Flurin Bezzola**  
(ghitarra e chant), **Andri Netzer**  
(battaria) ed **Andri Juon**  
(bass e chant).

FOTO C. DERMONT